



Amazon ah Lametna

BRAZIL | October 4

Cassi

Pastor pawlkhat in biakinn nai ah teeng in, pawlkhat khua sung mun khatpeuh ah om uh in, biakinn tawh kigamla uh hi. Pastor Cassi in a gunkuang pen ama teen na inn suak hi.

Hih gunkuang in 2016 kum sung Sabbath 13na sumpi tawh huh na ngah-in a lei hi. Khua sung mite in Cassia kiangah hong pai-in nuamsa uh hi. Amazon Gun dung suk a om khua tuamtuam ah pai-in hotkhiat na thugen in om hi.

Tu-in Pastor Cassi nasepziate i za ding hi. Amah pen gunkuang tawh Pasion nasem pastor khat hi. Amazon Gun dungah zin in nasem a, ama nasep pen “Amazon panin Lametna” ci-in min vawh in, khua no khat ah va tung hi.

Inn khatkhit inn khatah lutin mite muanna le kimeltheihna ngah in vantungmi thumte thupuak a hilh kawikawi hi. Hih nasep amasa lam in, hamsatna tuamtuam nawkkha mahtaleh kum tawlkhat khit ciang in a nasep nuam a sa hi. Mi tampi tawh kithei-in khua sung upa hausa makaite tawh zong kimel theihna nei-in, mite muan hong suak hi.

Kikhop hun hongtun ciangin biakinn kikhopna mun atuam neilo

ahih manun gunkuang tung mah biakinn hongsuak hi. Gunkuang tungah a kikhop masak pen uh party pawl bawl mahmah bangin lungdam thei mahmah uh hi. Cassi le a zi in kikhawm mite tawh lasak na bekthamlo-in nekkhopna le lim suaiah kidemna cihte neihpih hi.

A letsong piakte uh in inn sung van zat theih ding kuang gol, kuang neu, a kipan van tuamtuamte pia uh hi. Cassi in Lai Siangtho siksantin thugenna nei hi. Nitak sialin hot khatna thu mah gen hi. Nipi kaal khat bang hong cin khit ciangin nupa suahna thu, tate pantahzia le cidamna thute zong a hilh hi.

Kaal 2na ciangin Lai Siangtho tangthute gen hi. Nitak 25 panin 28 ciang bang thuhilhna nei hi. Sun hun sung teeng Cassi le a lawmte in Lai Siangtho thuthuk sinna, guitar sinna, le anhuan dan sinnate nei uh hi. Thusinna a neih hun sungin mun dang khat panin ha-bawl siavuan khat hong zin a, aman zong ha bawl nuamte sumla lo-in a-khongin a bawlpih hi. Thungai-in hongpai mite nunzia in khangto zaw hi, cih Cassi in a mu thei hi.

Sun thusinna-ah a kihel zawh loh hangun nitak thugen ngai ding in hong pai thei uh hi. A gunkuang sungah kikhawm mi vekpi 150

bang pha ding uh hi. Khua khatah a tun zawh nipi kaal khat bang a cin khit ciangin Adventist Biakinn khat lam kipan uh hi. Ni 30 sungin biak inn zo siang uhhi. Biakinn a zawh khit ciangin pawlpi makaite siate in biakinn kong hon na nei uh hi. Lai Siangtho thu sinna a neih khitciang in, ki-ap pah in tuikiphum dingin Cassi in thuumna a nei hi.

Cassi tuikiphum a, a khua sung pan un kituiphum masa pen hong suak hi. Tu-in gunkuang tungah kikhawm nawnlo-in kikhop nading biakinn khat a nei thei hong suak hi. Kikhawm mi khempeuh in tu-in biakinn a zang thei hong suak hi.

Tua hun mahin nungzuih gi'na suah nading thusinna khat ah Cassi va kihel hi. Zeisu in eite aa ding hongsep thute pulaak masa-in hot khiatna nasepna-ah mawhnei mi zong a kihel theihna cihte limtakin i ngaihsut ding kisam hi. Zeisu in nungzuite khat le khat kizopna kip a nei dingin hong deih hi. Inn hawh na, Lai Siangtho thusin pihna cihte in nungzui suahna-ah a thupi hi.

Pawlpi mi thakte in Sabbath ni biakpiak nate le kikhop nate-ah kihel nuamsa uh hi. Sabbath ni kikhop bek hilo-in thunget kikhop hun a kipan, kigin ni cihte ah zong kikhop nuamsa uh hi. Cassi in gun kuang ah kha 5 bang a kikhawm uh hi. Tua khitciangin biakinn thak a nasem pastor thak khat hi-in, Cassi in zong kikhop nate nuamsa hi.

Gunkuang tawh khuano tuamtuam ah vapai-in biakpiak a neihpih hi.

A gunkuang tawh nasep lawh cing mahmah hi. Pawlpi mite tha pia kawikawi-in nungzui suahna-ah a pantah toto thei hi. Kha nih khitciangin Cassi le gunkuang sung a kikhopna nei pawlpi mite in kum khat tawntung December – January dong Pasian thugenna nei thei hi.

Manaus Gun dung ah Pasian thugenna zong nei thei uh hi. Pawl pi kibehlap nading, biakinnte neih zawh nading cih thute kikapna nei-in kum khat sung bang nasemin om uh hi. Cassi le a zi in kum nih sungin pawlpi mun nih bangah a phut thei uh hi. Tui kiphum mi 174 bang a nei khin uh hi. Hihte lakah mimal khatciat in Topa hoihna pulaak ding a nei ciat uh hi.

Cassi in thudotna khat a neihna ah Pasian in a mi ding a tuamin nei ahihna hong phawksak hi. Gun' kuang tawh pai kawikawi-in hot khiatna thu a genna tungtawn in Topa in ma'tutna pia hi. Gunkuang pawlpi min dingin *Amazon ah lametna* ci-in amin vawh uh hi. Hih nasepna hangin mi tampi in hotkhiatna thu sang thei uh hi.

Tu quarter Sabbath 13na sumpi in Brazil le Chile gamah kipuak ding hi. Note thungetna in mannei-in hih gamte-ah Pawlpi nasepna a mainawt theih nadingin zong thu ngetna kisam hi.

Mawhmai-na le Samzangte



BRAZIL | October 11

Cassi

Jair

Nitak khat, Jair in tuipei gei-ah lamsiau-in va pai-a, a gal khat a om tembaw sungah a tuang mi pawlkhat a galmuh hi. Amah pen Amazon Gunpi gei khuano khatah a teeng hi. Tembaw kibawl sawtnailo dingin a ngaihsun hi. Tua mite in kikhopna khatah a pai ding uh ahihlam a theih ciangin amah zong thu ngai dingin ka pai ding hi, ci-in khensat a, tua mite tawh tembaw va tuang khawm hi.

Mi vekpi 150 kim bang pha thei ding uh hi. Kikhopna innpi sungah mi kidim hi. Tut nading zong omlo zah phialin kikhawm mi tam mah mah hi. Jair in tutna khat mu thei hi. Tua nitak kikhopna-ah thugen in gunkuang tawh Gunpi tungah a zin kawikawi pastor in thuhilhate ah mawhmai-na thu tawh kisai hi.

Jair adingin mawhmai-na cih thu za theilo hi; mawhmai-na tawh kisai thungai dingin biakinn tuam tuam ah zong kikhawmin vapai thei zel hi. A zaksa mawh mai-na tawh kisai thute a pom theih khat zong

omlo hi. Mawhna khat pen mai theilo hi, ci-in kihilh hi.

Jair a neulai-in guihi theih kham theih tawh kidiah khangno khat hi ngei hi; a lawmte khat a sihsuahkha ngei hi. Lungkimlohna hangin a thuk kik manin tual thatpa hong suak hi. Tu-in Jair in kum 32 cing khin hi. Pasion tung pan mawhmai-na lunggulh mahmah in a om hi.

Jair in gunkuang tunga biakinn ah kikhawm ding in hongpai hi. Tua nitak kikhopna-ah Pasion in mawh nate khempueh hong maisak thei hi, cih thu za hi. Jair in nitak sial kikhawmin hongpai den hi. Kikhopna kizawh khit ciangin a nuntakna Zeisu pia-in tui kiphum na nei-in mawhmai a ngahna hang in lungnuam in Pasion thuzui mi khat hong suak hi.

Maria

Maria in hih gunkuang tunga pawlpi-ah kikhawm nuamlo hi. A pasal in nitak sialin zukhamsa-in khua sung pan inn hongtung den hi. Tua kikhopna kizawh ciangin a pasal in tui kiphum dingin khensat na a nei hi. Maria in gunkuang tung a biakinn ah kikhawm dingin pai nopna lungsim hongnei hi. Nitak sial kikhopna-ah vapai den uh a, thugen kikhopna kizawh khit ciang in tui kiphum nuamte Lai Siangtho

thusinna nei uh a, Mariate nupa zong tui kiphum dingin Lai Siangtho thusinna-ah a kihel uh hi. Pastor Cassi in tui kiphum dingte Lai Siangtho thusinna neihpih a, thusinna kizawh khitciangin a nupa un tui kiphum uh a, tua khitciangin nungzui suahna thusinna-ah zong kihel uh hi. Tui kiphum thak mite bekthamlo in pawlpi mite tampi mah in nungzui suahna thusinna-ah kihelkim ciat hi. Hih thusinna hang in Maria in Lai Siangtho thuman thutak tampi muhbeh toto hi. Tu-in Mariate nupa in Amazon khuano khatah teeng uh a, a citak SDA thuzui mi a suak thei uh hi.

Geiciane

Kum 38 a cing khin, Geiciane in pastor Cassi kiangah kikhop man khitciang in vapai hi. “Ka neulai-in biakinn pai nuam kasa-a, ka nungak khitciangin biakinn ka tung zo nawn kei hi. Ahi zongin tu-in mantakin biakinn ka tung nuam hi,” ci-in a nunzia a khel nopna thu pastor tungah pulaak hi. Tewbaw tunga kikhawm pawlpi in Pasian Gam le Ama ukna thu a tangko kawikawi pawlpi citak mah mah khat suak thei hi.

Paulo

Paulo aneulai-in biakinn tung ngeilo hi mah taleh a gol khitciang in biakinn ah kikhop pelh nuam ngeilo hi.

Kum 60 valkhin himah taleh kikhawm dingin a zi phal lo hi. A zi in kikhop ding lawp ahil manin inn

panin gel'khia thei veve a, a pasal theihloh kalin kikhawm in, inn atun ciangin a pasal in vua theizel hi. “Ka pasal kikhawm ngeilo ding hinteh maw” ci-in a ngaihsun hi.

Pastor Cassi le a naseppihteng hongtun uh ciangin Paulo tawh kimu uh a, biakna vai peuhmah bangmah gen neilo uh himah taleh asawt ciang Paulo in biakinn zuat ding lunggulhna hong nei thei hi.

Amasa-in nisim nuntak zia thu te, innkuan sung vai tuamtuamte nasep nate kikum uh hi. Pastor Cassi in sammet khat Paulo inn ah va paisak hi. Paulo teen na mun in mualtung khat hi-in, khua sung paina lampi a tuahsuk ding hamsa sa ahil manin sammet pa vapai hizaw hi. Paulo in a sam a met khitciangin tembaw tunga kikhawm biakinn ah kihawm dingin hongpai hi. Biakinn hong tun ciangin Pastor Cassi le pawlpi mite in na muak ciat uh a, Paulo in “Hih mite kuate hiam? ci-in a lung himawhnate pastor Cassi a dong hi. Paulo in hih kikhopna-ah thugen atawp dong ngai dingin kikhawm den hi. Thugen kizawh nitak dong a innkuan un thu va ngai hi. Tui kiphum dingin ki-ap uh hi.

Hih tembaw tunga pawlpi in Amazon Gun dunga khuano tuam tuamte kaikhawm in biakpiakna a neihpih tembaw biakinn khat hi.

Tu quarter Sabbath 13na sumpi in Amazon Gun dung a om Pawlpi nasepna a tangzai zawk na dingin kihuh ding hi.



Gunkuang Tengah Mikhual Khat

BRAZIL | October 18

Jamilly

Jamilly in a teenna inn pua lam ah pusuakin lau pianpianin a paikhia kawikawi hi. Lau ahih manin “hello, hello” ci-in kihopih anei bangin pau pau hi. Tua laitakin a inn sungah aging khat za hi. A tak takin Amazon gammang tulak a teeng mite in khat guakin innpua lamah a pai ngei kei uh hi.

Anu le apa vak khia hi. Jamilly in kum 20 cingkhin hi. A nau pasal kum 4 apha pan khat tawh inn ngak in om hi. Khualmi khat amah le amah Adventist pawlpi pastor Cassi ka hi, ci-in kigen masa a, Jamilly nunzia pawl khat thu dotna nei hi. Pastor Cassi in: na innkuan kizopzia uh koi bang hiam? ci-in a dong hi. Tawlkhat sung kiholim thei uh hi. A kiho-na hangin Jamilli a lau nawn kei hi. Jamilli in a nu le a pa tawh kizopna hoih khat a lunggulh hi. Pastor Cassi in “Gunkuang pawlpi tawh nong kizom nuam hiam? ci-in a dong hi. Ka kikhopna vuah nong kihel diam? ci-in dong hi. Jamilly in gun kuang gol mahmah mu ngeikhin hi.

Ama muh ngei gunkuang sung ah siavuan tampi le nurse tampi om

hi. Cina tuamtuamte bawl uh a, a damlo mite in damna a ngah thei hi. Tua bang dingin ngaihsun ahih manin “Ka ut mah hi,” ci hi. Pastor Cassi le a kikholh pihte inn khat khit inn khatah pai-in Adventist thupuak a hawmsawn kawikawi uh hi. Jamilly in tua gunkuang biakinn amuh ciangin a ngaihsut banglo ahih manin a khitui luang hi. A nu le pa kikhen uh a, a kikhenkhit uh kum nih bang sawt khin hi. Pastor Cassi in Jamilly innkuan nuntak thu a zak ciangin acih nading dang theilo ahih manin a hehnepe theih zahin a hehneem hi.

Jamilly in tawlkhat sung kap hi. A tawpna-ah thungen khawm uh hi. Tua ni a kipan Jamilly in a nu le a pa adingin thungetsak den hi. Nitak sialin gunkuang biakinn ah vapai den hi. Hih kikhopna biakinn ah thu kigente manpha sa mahmah a, a diakdiakin innkuan sung kizop zia ding a zak thute in ama adingin man nei pha diak hi.

Cidamna thu le Lai Siangtho thu thukte zong zaknopsa thei mah mah hi. Jamilly in a nu kiangah gen a, hih biakinn ah kikhawm dingin a nu zong zawnin a nu zong biakinn

ah kikhawm dingin hong pai hi. Kha khatkhit ciangin Jamilly in tui kiphum ding in khensatna a nei hi. A nuntakna-ah a manpha penpen ni hong suak hi. Amazon Gunpi sung ah tuiphum na a ngah hi.

A mawhna khempeuh maikhin a, a nunzia zong kikhel hi. Tu-in Khazih sungah mi thak suakin lung kimna ngah thei hi. Tua khua panin mihon khat in tuikiphum dingin Lai Siangtho thu'sinna nei uh hi. Tui kiphum khit ciangin gunkuung biakinn panin SDA biakinn omna khua lam zuan in pai uh hi. Hih khua-ah biakinn khat a kilam laitak hi-in, kizo' nailo-a, Jamilly le a innkuan pilte, khuasung mi tampi in biakinn lamna-ah a kihel thei hi. Gunkuung biakinn a kikhawm mi honkhat in hih biakinn lamna-ah va kihel uh hi. Jamilly in biakinn thak ah kikhawm in hongpai thei zel hi. Sunday ni le Wednesday nitak sial in biakinn ah thungetna nei uh a, hih thunget kikhop hun ah Topa sungah lungkimna amu thei hi.

Tuiphumna a ngah khit ciangin Nungzui suahna thusinna khat ah a kihel hi. Thu-um mi khempeuh in Zeisu hong hotkhatna thu midang te tungah a pulaak ding in Topa'n hong deih ahihlah phawk sem hi.

Jamilly in a hanciam mahmah hangin a nu le pa in kiteen kik thei ding lamet om hi, ci-in a ngaihsun hi. A nu in ahiehleh gunkuung biakinn ah a kikhop a kipan biakinn

a tung den khat hong suak hi. A pa in ahiehleh biakinn kici peuhmah pai nopna lungsim nei vetlo hi. A innkuan sung thu buai veng' theilo ahieh manin Jamilly in thungetna nei tawntung hi. Tualeh ni khat a pa in khua-no khat om SDA biakinn ah kikhawm dingin hongpai hi. Jamilly in tua laitakin khualzin hi. A pa thu a zak ciangin a lungdam lua hi. A lawmte khat in phone kiho-na panin gen hi. Jamilly in nuamlua diang kha phial liang hi. Topa in ka thunget hong dawng hi, ci-in lungdam lua hi. Jamilly in a kituiphum khit kum khat khit ciang in kum khat sung Pasion nasein dingin kipia khia hi. Pastor Cassi bang mahin khua khatkhit khua khatah pai-in hotkhatna thu gen kawikawi hi. Brazil gam sung bek hilo-in gam pua dongah pai-in hotkhatna thu a gen hi.

“Na ngimna, na mungtup nusia ke'n. Topa na nasep ding khawl kei in. Gunkuung biakinn in Amazon gun dungah zin kawikawi-in hotkhatna thu pulaak hi. Mi tampi in hih Gunkuung tawh nasep na tung tawnin hotkhatna thu zathei uh hi.

Mi tampi mah in tui kiphum khin uh hi. 2016 kum Sabbath School huh na tawh Amazon Gun dung nasep huhna ngahkhin himah taleh tu quarter Sabbath 13na sumpi in Brazil gam Amazon Gun dung a pawlpi nasepnate-ah kipuak ding hi.



Khuavak le Hopihna Aw

BRAZIL | October 25

Andrielle

Tua inn in inn hoih hilo hi. Andreille in Covid pul nat na hun sungin inn khat khit inn khat ah vapai-in laibu zuak hi. Kua ma inn sung lut ding kiphallo ahih manin ham satna lianpi a thuak hangin hanciam in, inn khat khit inn khat lut veve hi.

Hih inn khat in ahihleh lim takin ahuang sung khempueh kulh bangin ki-um in, kongkhak te zong siggol mahmah tawh kibawl hi. Inn kimkot ah sing kung gol pipi zong kimu thei hi. Andrielle in hih bang inn amuh ciangin paisan nuam hi. Ahi zongin a lungsim ah kongkhak kiu inla, lut in cih ngaihsut na khat nei hi. Topa hong sawl na hi ding hi, ci-in a ngaih sun hi.

“OK, Topa aw, ka pai ding hi, huang sung lut dingin kong khak thum vei kiu ding, thum ka kiu khit ciangin kuamah hong pai kei aaleh ka paisan ding hi,” ci-in a ngaihsun hi. Kongkhak a om bell, a mek hi. Kuamah hong pusuaklo hi. Tua bell mek kik leuleu a,

kuaman’ dawn tuanlo hi. A thum vei nading mek kik a, tua ciangin piteek khat hong pusuak khia hi.

Piteek nu in kongkhak hon a, Andrielle zong huang va lut thei hi. Piteek nu in a taktak in kua mah leengla honglut ding ka phal ngei kei hi, ci-in gen hi. Covid phulnatna hangin kihawh ding kua mah zong kiphallo laitak hi. Andrielle inn khat khit inn khatah lut theihna angah pen a lamdang mahmah, Pasian ompihnalo-in thudang hilo hi, cih kithei hi.

Andrielle in inn sung va lut a, inntek nu min in Heidi hi, cih a thei hi. Innteknu pen sangsia pension khin khat hi-in a pasal in nusia khin, a nuntaklai-in a pasal in leitang golpi nei a, a neihsa teng a nusiati hi.

Andrielle in inn khat khit inn khat pai-in biakna laibute zuak a hihlam Heidi in a theih ciangin a theih nop thu tampi a dong hi. Hotkhiatna thu, mawhna hong omcil a kipan leitungah mawhna bei hun dong a piang ding thute

azak ciangin lamdang sa mah mah a, hih bang thu za ngei nai' lo hi. Khazih in mawhna, hang in sih nading panin mawhneite hong hotkhiatna, leitung ah mi bangin hong nungta-in sihna hong thuk in sihna pan thokik a, asawtlo-in Amah a um mite van ah lato dingin hong paikik ding ahihna thute a pulaak thei hi.

Hih bang thute a zak ciangin Heidi in, "tawntung nunna ka ngah theih nadingin bang sem ding ka hiam?" a ci hi. Zeisu a sawtlo-in meitung tuangin hong pai ding a, mawhna sihna a om lohna vantung ah hong paipih ding a, kum tul khat khit ciangin Jerusalem khuapi tawh leitung ah hong tuaksuk in, hih leitung a thakin kibawl ding a, natna, gimna cihte a om nawnlo ding leitung hong suak ding hi. Zeisu tawh na kimu nuam takpi hiam? Amah hong pai ciangin a laktoh mite lakah na kihel nuam hiam? ci-in a dot ciangin Heidi a khitui hong luang hi.

Tua ciangin Heidi in, "kong khak a bell nong tum ciangin kua hiding hiam, cih ka thei kei hi. Kongkhak ah kong et ciangin na kimkotin khuavak tawh kidim a om ka mu hi." "Kong hon in. Kong hon in" cih hopih na

awging khat kaza hi. Ka huang sungah kuamah leengla ka lutsak ngeilo hing. Hopihna aw ka zak man le na kimkotah khuavakpi hangin ka huang sung lut dingin kongkhak kong hon hi" a ci hi.

Heidi in leitung hauhna tawh kidimin nuamsa mahmah hita leh, lametna a neilo khat ahi hi. Van le nate a hauh hangin itna, lungdamna cihte neilo hi. 4 vei bang amah le amah kithah ding in hanciam ngei khin hi. A han ciam sialin a tapa in tuakkha-in a sih ding kipelh toto hi.

Andrielle in Pasion ompihna hi, cih phawk semsem hi. "Na huang sungah alut dingin Pasion in hong puak hi. 'Kong hon in, kong hon in' hongci pen Pasion hi," ci-in gen hi. Tua ni a kipan Heidi le Andrielle in kilawmta uh a, Heidin in Pasion sungah lametna thak tawh a nungta hi.

Brazil gam mi tul tampi in Zeisu theilo-in nungta uh hi. Amaute in hotkhiatna thu a zak ding kizam hi. Eite vapai zolo ihih manin thu i ngetsak thei hi.

Tu'quarter Sabbath 13sumpi in Brazil gam kipuak ding a, pawlpi nasepnate huh nadingin kizeek ding hi. Pernambucano Adventist Academy in khangno tampi kipantahna sang khat hi.



Tawntung ading Thuhilhna

BRAZIL | November 1

Washington

Washington ii nuntakna in Brazil gam a om Northeast Brazil Academy ah sangkahna tawh a hun bei himai hi. A pa in hih sang panin 1943 kumin sang man khin khat hi. Washington mahmah zong hih sang panin a khangkhia khangno khat hi.

A naupang tung akipan in pawl sangkah dingin lunggulhna nei hi. Hong khangto sem semin a lunggulhna hong tang tung takpi hi. Hih sang panin sangkah a zawh ciangin Brazil kumpi nasep siah kaih na lam ah nasem dingin hong kipan hi. Zi nei-in tapa khat zong hong nei hi. Hih a ta in biakna sangah sangkah dingin a deihsak hi. 2000 kum in tui khang gawp a, hih sangin kisiacip hi.

Washington le midang tam pi in hih sang kisiat ma-in sangkah vive ahah manun a it, a ngai pha diak uh hi. Kum tawh khat khit ciangin Washington in Adventist Pawlpi in leitang

khat lei uh a, sang hong ding geelna nei uh hi. Hih sang in Northeast Brazil Academy laih ding hi. Hih sangah sangkah ding a lawp mahmah hi. A nun takna khempeuh a kikhelna sang ahah man hi.

Hih khua-ah innkuan nuam takin teeng thei dingin lametna a nei uh hi. A pension hun ding zong naita ahah manin hih khua ah teen ding ama aa dingin a lem pen suak hi. Sang thak ah kituah theih nadingin zong thu a ngen tawntung hi. A nasepna mun zong kilaih hi. Tua bangin kilaihna hangin mun dang khat ah nasem ding hong suakta ahah manin hamsatna tampi a phu kha ding suak hi. Nasemte in a pension kuan uh ciangin amau teen suak nading mun tawh kinai theitheo dingin kigeelsak a, amah zong pension kuenta ahah man in hih khua thakah kituhsak uh ahi hi.

Washington ii makaipa in Brazil gam mundang ah kisuan dingin a sawl hi. Tua sawlna thu Washington in nial hi. “Ka pai thei kei ding hi,” a ci hi. “Adventist biakinn tawh kinaina mun khatah kituah nuam zaw ing,” a ci hi. Seventh-day Adventist Pawl sang ah sang kah ding thupi mahmah hi. “Tua munah na pai nuam hiam? ci-in supervisor in dongkik hi.

Supervisor in laidal tungah “Tu-in sang kihon nading nai ta hi.” A thu-in Washington zi le a ta in mun dangah kituan ding ngaihsun zolo hi. Recife khuaah nuntak khuasakna in thu baih hilo hi. Van zuakna sai lianpi khat amau inn gei-ah om a, a gei-ah sang khat zong om hi. Tua sanginn kimkot ah sing kung tampi om hi. Ahi zongin kalsuan khawm dingin a kithu kim uh hi.

Washington in tua sang tawh kinai leitang mun khat lei a, inn thak khat a lam hi. Recife khuaah inn khat zuakin a sum teng sanginn lam nadingin a piakhia hi. 2007 kumin sanginn lam kipan a, Washington in sang kizawh ding a ngaklah mahmah hi. Sanginn lam na dingin sum zonna (fund) ah zong kihel khat hi.

Sang nau pang kaikhawmte lakah zong kihel hi. Sangsap pia zolo sang naupangte huhna zong anei hi. Sangsiapipa inn dingin ama inn a pia khia lailai hi. Sanginn tawh kinai ding a inn khat a lam hi. 2014 ciangin sang kihong thei a, lungdamna tawh kidim hi. Igor in sangah ki-ap masa pen hong suak hi.

Tu-in Washington 65 kum cing khin hi. Kumpi siahiakna zum ah nasem lai hi. Igor in sang panin lukhu neelkai ngah hi. Tan 10 sangah laihihin om hi. Washington in pawl sang a itna gen theizel hi.

Sang minin Pernambucano Adventist Academy kici hi. Amah in khang thumna Adventist upna sungah a om hi. A tu, a tate in pawlsang mah ah laisin uh hi. “Pernambucano Adventist Academy ah tawn tung aa dingin lai ka hilh hi. Tawntung a adingin thu hilh ka hi hi, ci-in lungkim mahmah uh hi.

Tu quarter Sabbath 13na sumpi in Pernambucano Adventist Academy ah kipuak ding hi. Hih sanginn in mi 500 bang kikhop nading biakinn khat kism hi.’



Pasian Hopihna

CHILE | November 8

Samuel

Samuel in bang hangin Univerisity a kahna-ah lai kia hiam? cih tel zolo hi. Tan 10 a zawh khit ciangin lai zo mahmah hi. University a kahna vuah semes-ter khatna sungah a lai kia pah hi. Algebra, calculus, physics, le chemistry cihte a zozo kei hi. Hih subject a on zo lo peuhmah in engineer suak thei lo ding hi. Semeter nihna-ah a lai zozo tuan lo hi. Laivuanpi a phi ding ciangin phone tawh kihopih a, a tanaute khat in a hopih ahi hi.

“Samuel, Lai Siangtho thu sin zaw in” ci-in hopihna a ngah hi. Tua bangin Adventist pastors kimuh khopna khat nei uh a, pastor pahtawi- ni hi-in, Samuel in tua ni-a a zak thute lamdangsa hi. Bek tham lo-in kuamah in na hopih lo a, bang nasem cih a kipan hopihna a ngah kei hi. Tua hi-in amah mah in hopih masa-in, “Na dam hiam? ci-in a donghi. Tua a sanggampa in dawngkik sam a, “Dam mah” kici uh hi. Kuamah in Samuel in Lai Siangtho thu thuk sin dingin a lamem kei uh hi.

“Lai Siangtho thu thuk sin kul

kasa kei hi. Kikhop manmanin ka pai nakleh kicing khin hi.” ci-in a dawngkik hi. Pawlpi ading nasem khat ahihna thu zong a gen thei hi. “Topa sapna za-in Kei ka pai ding hi,” ci-in apulaak hi.

A sanggampa in “Thungen in” ci-in sawl hi. A sangkah na-ah lai vuanpi phi ding hita hi. Vantung lam khuadako-in “Topa aw, a om takpi mah na hiam? Nangma na sem dingin hongsam takpi na hiam? Nong sap ahihleh hong thei telsak in” ci-in Topa a hopih hi. Pastor sem lo ding ka hihleh engineer ka sem nuam zaw hi. “Chile Adventist University ah pai in engineer sin dingin nong awi le awi loh hong theisak in” a ci hi.

Samuel in Abraham thu a phawkkik hi. Pasian in a sap ciangin koi lam zuan ding, koi-ah pai ding cih bangmah theihna neilo hi. Nungzuite in Zeisu nungzui-in a nasepnate a ngaih sun sun hi. Mi tampi in Zeisu nial uh a; tawntung gamh luah dingin sapna a nial mi tampite lakah a kihel ahihlam a phawk kha kei uh hi.

Samuel in Zeisu zia le tong nei dingin lunggulh na bangmah neilo hi. Nipi kaal thunget kikhopna khat a nei uh ahilh man in a thunget a khawl hi.

Lai Siangtho sim ding teelna zong nei khin hi. Chile gam i pawlpi in tui a phum om ciangin Lai Siangtho simna khat a nei uh hi. Matthew bu zong sinna nei a, Matt. 28:19, 20 a sim ciangin Zeisu honghilh thu a phawkpha sansan hi. Hih Lai Siangtho a ngaihsutciangin Pasion in pastor sem dingin hong deih hiding hi, cih ngaihsutna khat a nei hi.

A nulepa a kiteenma-un a pa in ciltang cancer natna nei-in, sih dektakin a nat man'in sia vuante-in a ciltang la'khia ding in sawl hi. Tua hun a kipan suan le khak nei thei nawn lo ding ahilhna thu siavuanteen a gen uh hi. Ahi zongin Samuel nulepa in thu ngetna tawh mapang uh a, Samuel hong nei uh ahi hi. Nau min phuah ding ciangin, Pasion tung pan a nget ahih teh Samuel a phuak uh hi.

Lai Siangtho sunga kamsang Samuel bangun Topa deihna bangun nungta dingin khensatna nei hi. Tui kiphum ding amin pia-a, "Topa aw nong sapna ka za hi. Nangma nasem dingin hong zang in" ci-in ki-ap hi. A khensatna thu a nu le a pa tung ah a zaksak hi. A nu in dawngkik a, "Engineer

dingin hong awi keng, Pasion nasem ding mahin hong deih ing," a ci hi. Engineer suak dingin sum tampi bei khin ahilh manin, Pasion nasem ding in a pa in phal lo hi.

A sanggam numeite khat Chile Adventist University ah sang kah khat om hi. A sawt ciangin Samuel pa in, Pasion nasem dingin phalta hi.

Lai Siangtho thu sinding hong kipan hi. Engineer suak dingin a sangkahna university nusia-in pastor sem dingin Chile Adventist University ah sangkah dingin hong pai hi.

Samuel pen Pasion nasem ding, pastor suak dingin Lai Siangtho sang kah hi, cih a kizak ciangin a kuamaciati in lamdang sa thei mahmah uh hi.

Tu-in Samuel kum 21 cing ta hi. Pastor sem dingin Chile Adventist University ah Lai Siangtho thusinin om hi. "Topa tungah ka lungdam hi. Ama nasem dingin hong sapna aw za kha kahilh manin, lungdam ing."

Tu quarter Sabbath 13na sumpi in Chile Adventist University ah kipuak ding hi. Hih university ah sangnaupang 3000 val bang pha uh hi. A tam in SDA upna neilo uh hi. Sang naupangte boarder lam nadingin kipuak ding hi.

Sa-bawk Khat Dam na dingin Thungen



CHILE | November 15

Maria

Maria in Christian innkuan khat sung panin a khangkhia nungak khat hi. Biakinnah pawl bawl thei pahpah uh hi. Ahi zongin numei no kum 5 pha khatin lamdang takin sa-bawk khat a neih a kipan pawlpi mite in hahkat takin thungetna anei uh hi. “Samuel in zong thungen a, ka sanggam nu tungah damna hong pia in”ci-damna a ngen hi.

Maria in thungen hi. Maria in kum 21 cing khin a, a sanggam numei thum lakah a u pen hi. Angel in a tum pen ahi hi. Angel in in sa bawk khat nei-in tua hangin a cina hi, cih siavuante in a pulaak uh a kipan a thunget a khawl hi. Angel laihih sianu in Angel natna a theih ciangin a

dam nadingin thu a ngen hi. A pawlpi mite tungah zong zasakin Angel dam nading thu a ngen ciat uh hi.

Tua bangin pawlpi mite thungetsakna hangin Maria lungsim kikhel hi. Bang hangin kei bang lellel adingin mite in thu hong ngetsak hi ding hiam, ci-in a tel zo kei hi. Hun hong bei toto -in Angel in damna hong ngahleh Adventist pawl sungah tui kiphum dingin khensatna a nei hi. Tua bangin pawlpi mite thungetsakna tawh Maria in a natna panin damna hong ngah takpi hi.

Maria in “Dam ta na hihleh biakinnah kikhawm dingin va pai ni” ci-in a pulaak hi. A ki-atna zong dam siangin natna bangmah nei nawn lo ahih manin biakinn ah kikhawm dingin hong pai thei hi. Zato ah

kha khat bang zato lum in om a, tua khit ciangin inn hong ciah thei hi. Angel pastor zong hong pai-in Maria tawh kiho-na nei uh hi. Maria le pastorte nupa in tua bangin lamdangtakin damna ngahna a muh ciangin Topa tungah lungdam mahmah hi. A kamciam om bangin pastor tungah tui kiphum dingin a khensatna thu a zasak hi. Tu-in kum nih pai khin a, Mariate innkuan in Tuiphum khin uh hi. Angel in kum 7 cing khin a, tui kiphum hi.

Ellen White pulaak bangin “Hotkhiatna nasepna-ah Khazih sepzia bek in lawhcinna hong pia ding hi. Honpa in mi tawh kituah a, amaute hoih nading bek a sem hi. Khazih in amaute itna lakin, lai-natna tawh a kidimhi. Amaute kitangsapnate huhin tua khit ciangin vantung thuman thutak a hilh hi. Tua khit ciangin, ka nung hong zui in” ci-in mite a sam hi (*The Minsitry of Healing*, p. 73) Tua bangin

pastor le a zi in Khazih ettehin nasem uh hi. Cimawh dong thuakte huhin thuman thutak gen uh a, mi tampi in Zeisu Khazih, Honpa le Tanpa-in sangin tui kiphumna nei uh hi.

Tu-in Maria in kum 35 cing khin hi. Laihilh le lamhilh khatin Seventh-day Adventist university ah nasem in om hi. A paipai-na-ah Zeisu hong itna thu a gen kawikawi hi. Pastorte nupa tung tawnin Pasion hong itna amuh ziate le a lamdang vantung thupha a ngahna thute gen lo-in a om thei kei hi. Adventist Volunteer Service ah zong kipia ngei a, Ecuador gamah missionary semin va pai ngei khat hi. Hih mun ah zong Pasion ompih na lamdangte amu hi.

Tu quarter Sabbath School 13na sumpi in Chile Adventist University ah kipuak ding hi. Sangnaupangte giahna inn kicing lo ahih manin boarder lambeh nadingin kizeek ding hi.

Ecuador ah Nasepna



CHILE | November 22

Maria

Maria in a sanggam nu upna zui dingin hong kipan hi. Cikmahin a zak ngei'loh thu lamdangsa mah mah hi. Pasion in SDA thu-um mite thungetna niallo hi, cih a um hi. Banghang hiam cihleh Maria in Cancer natna panin damna ngah hi. Tua a kipan SDA thu upna sungah a innkuan un hong lut uh hi. Pawlpi mi hihna bek kicinglo ahihlam a thei hi.

Pasion in Maria nuntakna ah na lianpi bawl hi. Maria in “Topa tungah bang ka sem thei ding hiam?” ci-in ngaihsun den hi. Maria in siatna sung a tung thei ding naupangte pantah in om hi. Hih nasep in a hoih nasep khat hi. Sum tampi ngah a, lawm le gual zong hau mahmah hi.

Nikhat a lawmte khat in hopih a “Gamdang mun khat gammial Pasion nasem dingin na pai nuam hiam?” ci hi. Tua a lawm in Maria in Adventist Volunteer Service ah

nasem dingin a gen hi. Maria in hih nasep na-ah kihel dingin khensat hi. Maria in thungen a, “Hih lai-ah om ing, Topa aw, kei hong sawl in” ci-in ki-ap hi.

Kumkhat sung Ecuador gam ah volunteer nasem in Maria om hi. Naupangte pantahna, thuhilh na nei hi. Santo Domingo khuapi pen Ecuador gam ii khuapi lian 4na hi. Amasa-in Maria in a pai ngei lohna gam khatah om ahih manin hamsat na tampi atuak hi. Adiakin a nu le pa, a sanggam numei nihte ngai, phawk mah mah in, alungleng hi.

Ecuador le Chile in South American gam huam sunga om gam nihte hi. Ecuadoriante pen annek lim thei mahmah hi. Chile gam mite leuleu in zingan kiallap nekna-ah minthang mah mah uh hi. Bawngnawi thuk, tea, le sing gah tuamtuam ne uh hi. Ecuador khuapi sungah zing sang kiallap nekna-ah atamzaw buh, be le nahtang cihte ne pha diak uh hi. Chile gam pan hong pai mite adingin zingan in an lian mahmah suak hi. Bek tham lo-in thokaang tam mahmah hi.

Mun citeng ah thokang dim hi. Maria in hih bang lakah nasemin om a, thoza vakvak taleh phatuam theilo hi. A pumpi khempeuh tho petna tawh kidim hi. Khua hun zong tuam dang phadiak hi. Maria in khualumsa mahmah hi. Ama gam ah khua dam hun pen Chile gam adingin khuakhal bang phial hi. Guah zuzu-in huih nom mah mah hi.

Nipi kaal khat hong cingto hi; hih bang dinmun tawh a om thei dingin kigingden hi. A na sepna ah Pasion nasem mah in kingaih sunin nasem hi. A nasepna sangah sang naupang tampi in namneu tuam tuamte hi. Tsáchila kici tual suak mite tam uh hi.

Numeite in ahiehle nikhaw avom le akang kihelh teeng nuam mahmah uh hi. Naupangte in Zeisu thu zaknopsa uh hi. Pawlpi ah pathfinder te ah zong kihel uh hi. Sang tuah khit ciang in amaute in inn khat khit khatah vapai uh a, tawntung lungdamna thugen kawi kawi uh hi. Naupangte tungah a kihilh thute inn ah a nulepate un a za sawn thei uh hi. Maria in sang naupangte in Topa Pasion theihtel na sungah a khantohna amuh ciangin lungkim hi.

Maria nasep in laihilh bek hi lo hi. Pawlpi tawh kop a, guih theih kham thehte kibawl na phualpi khatah zong nasem hi. Hih nasepna phualpi-ah kal khat

in ni khat bang hun va zang hi. Lai Siangtho thu sinpihna le thu nget pihna cihte nei hi. Kim'khat in Zeisu, Honpa, Tanpa-in sang thei uh ahieh manin tui kiphum zong om hi. Pasion ompihna ngah ahiehlam phawk thei-in a nasep nuamsa mahmah hi.

Mi tampi tungah laihilhna tung tawnin Lungdamnathu a gen thei hi. Pasion nasem dingin a kipiak a kipan Pasion ompihna ngahin a thuahkhak thute pawlpi tuam tuamah pai-in tecipanna a nei hi. A thunget nate Topa in a dawn nate a pulaak hi. A diak diakin a sanggam nu cancer natna pan Topa in lamdang takin damna a piakna thu te a gen kawikawi hi. Pasion hehpih na hang hi, ci-in Topa a phat tung tawn hi.

Maria in Kha Siangtho ompih na ngahin a nunzia kikhelna thute a kimuhpeuhte tungah pulaak lo-in a om thei kei hi. Tua bangin kum khat hong bei hi. Maria in a nasep nusiad ding ngaihsun thei lo hi. Tua bangin Chile gamah kum khat sung a sep khit ciangin mun dang khatah nasem dingin a khensat hi. Sang naupangte pan tan nasep nuam sa hi. "Ecuador khuapi-ah naupang pan tah nasep nuamsa ing. Topa om pihna zong mu hi. Lungkim ing."

Tu quarter Sabbath School 13na sumpi in Maria nasepna

Chile Adventist University, ah kipuak ding hi.

Ubar Mawtaw Hawlna pan Kikhel



CHILE | November 29

Varinnia

Varinnia in Uber mawtaw hawl khat hi-in ama nunzia in mi tampi kikhel na a piangsak hi. Kum 19 khawng bek cing khin hi. Chile Adventist University ah sangkah khat hi-in Uber mawtaw hawlin sang va pai hi. Tua bangin a mawtaw hawl na lampia-ah siktawnpi pua dingin mi khat in huhna ngen hi. Varinnia in Pathfinders nasemte tawh nasem khawm khat hi-in Pathfinder laan tuamtuamte zong nei pah hi.

“Hih khuamte bang ding hiam? ci-in Uber mawtaw hawl khat in a dongkik hi. “Pathfinder paw khat nei ung a, tua a dingin a kiginghol ka hi uh hi,” ci-in Varinnia in dawngkik hi. Mawtaw hawlpa in lamdangsa mahmah hi. “Pathfinders cih in

bang hiam?ci-in dong kik hi. Varinnia in Pathfinders in Boy Scout cihte tawh kibang pianpian hi, ci-in dawngkik hi. “Lungdamna thu genna mun tampi-ah ka nei thei uh hi. Lai Siangtho thusinpihna le khangnote lawp theih nading kimawl na tuamtuamte zong ka neihiph uh hi.” Tua ciangin mawtaw hawlpa in hih thu tawh kisai a theihbeh nuam semsem hi. Nang, bang pawlpi na hiam? ci-in a dot ciangin “Seventh-day Adventist” pawlpi hi ing, ci-in a dawngkik hi.

Tua ahihleh Chile Adventist University huan sungah om na hiam? ci-in a dongkik hi. “Hee, hi mah ing, University dorm sungah ka om hi” ci-in kidawngkik uh hi. “Tua ahihleh, nang missionary na hiam? ci-in mawtawhawlp in a dong kik hi. “Hi keng, Sangkah hi ing” ci-in a dawngkik hi. Hih bangin

Varinnia le mawtaw-hawl pa kiho-na panin mawtaw hawlpa in Lai Siangtho thu theih nopna a ngah hi. Tua hi-in Varinnia in” Lai Siangtho thu sinkhopna i nei diam? ci-in a dot ciangin mawtaw hawlpa zong thukim hi. Tawl khat sung a kiho uh a sawt lo-in Chile Adventist University va tung ziau uh hi. Varinnia in inn zuanin ciah a, a innkuan pihte tawh Lai Siangtho thusinna a nei khawm uh hi.

Uber hawlpa nunzia bek tham lo-in a innkuanpihte le Uber ah a tuang mite in zong kikhelna ngah thei uh hi. Varinnia nulepate in Pasion nasepna lamah a lawp mahmah nasepna hong suak uh hi. Pathfinders ah akichel nop loh hangin, tua bangin Pasion nasem lianpi khat hong suak thei veve hi.

Pasion khut zat mi khat hong suak hi. Bang hangin Pathfinder ah kihelsak nuamlo uh hiam, cihleh tua bangin va kihel hileh a laisim buaisak kha ding a lungsim palaan ding hi, cihna tawh tua bang programte-ah kihelsak lo uh hi. Amau omna panin Chile Adventist University in gamla mahmah hi.

Tai 650 bang gamla ahih manin Variinnia in Chile Adventist Universityah a nulepa te huhna lo tawh sang ki-apa, a sangkah a zomzom thei hi. Sangsap ding huhna ngah hi; hun khat ciangin Pathfinder program ah va kihel a, tawl khat khit ciangin a nu, apate tawh kizopna hoih a ngah kik thei hi. Uber vai a pulaak kik uh ciangin a nu le a pa in zong lamdangsa mahmah uh hi. Ahi zongin Varinnia in Pasion ompihna ahihna thu a pulaak hi. Tua ni a kipan a nu le pa in Varinnia tungah bang mah a pulaak ngam nawn kei uh hi. A tanu nunzia kikhel a muh uh ciangin Pasion ompihna taktak hi, cih amu thei uh hi. Varinnia in lungdam mahmahin a om hi. Uber hawl in mi tampi nunzia khel hi. “Ka nu, ka pate nunzia kikhel ka muh hun akipan Pasion le Kha Siangtho nasepna hi, cih ka mu hi.

Tu quarter Sabbath School 13na sumpi in Chile gam a om Chile Adventist University ah kipuak ding hi. Boarder om sangnaupangte boarder neu lua ahih manin lambeh nadingin kipuak ding hi.

Lametloh Gammial Nasemte

CHILE | December 6



Alvaro, Natalia le Catalina

Alvaro le Natalia in a gamla mahmah tuikulh khatah missionary na sem dingin kingaih sun ngei lo uh hi. A nupa-un a kiteen zawh kum 9 khit ciangin a pasal in ha sia vuan sem in om hi. A zi in ahihleh Chile Adventist University ah pumpi damlote kibawl-na-ah nasem hi.

Tanu kum 3 a pha Catalina cih khat nei uh a, Adventist Volunteer Service thu kigen khat zakna nei uh hi. Pasion in Ama nasem ding in hongsam hiding hi, ci-in ngaih sun uh hi. A nupa-un kikum uh a, “I innkuan in i sem zo diam? ci hi. Kum tam khinta kisa uh a, hih Adventist Volunter Service ah na sem a tam zawte in khangno vive hizaw hi.

Alvaro le Natalia in kum 35 val khin uh hi. University pastor tawh kiho uh a, Pasion in Ama nasem dingin kum ciangtan neilo

hi; a kipiakhia zozo in a sem hi, ci-in pastor in ahilh hi. A nupa-un training kah dingin khensat uh hi. A sep nading mun in a gamla mah mah meimual tamna tuikulh khat ah pai dingin hong kithawi uh hi.

Nipi kaal nih sung a paikhiat dingin sawlna ngah uh hi. Hih bang thu a ngah uh ciangin lamdangsakna le Topa tungah lungdam mahmah uh hi. Pasion in Ama nasem dingin hong deih hi, ci-in lungdam mahmah uh hi. Ama tungah zong a ki-ap pha mahmah uh hi. Kaal nih khit ciangin a pai ding uh hong hi ta hi. Vanleng tuang uh a, nai 5 le minutes 30 bang a leen khit uh ciangin Easter Tuikulh a tung uh hi. Hih vanlengtual in leitungah khua nawl penpen a om vanleng tual hi, ci-in kiciamteh hi. A kinai penpen vanlengtual in tai 2,350 bang gamla hi.

Amau ngei-na tawh kilam dang mahmah ngei-na lakah nasem ding ahilh manun hamsatna tampi nawkkha uh hi. Hih mun in Catholic thu-um mi tamna tuikul khat hi. Tanglai upna nei zong

tam mahmah uh hi. Hih tuikulh mi a tamzawte in Spanish pau uh hi. Mun khatkhatte-ah Rapunui kampau uh hi.

Alvaro le Nataliate nupa in Chile gam laizangah zinngai lo uh hi. Chile gam in leitungah gam dung sau penpen gam khatin kiciamteh hi. A khung pan a taw dong tai 2,650 bang sau gam khat hi. Easter Tuikulh in ahihleh tai 65 bek hi. Hih Tuikulh khuapi Hanga Roa sungah mi 3,800 bek teeng uh hi.

Chile gam laizang lamah an nek tui dawn hamsa lo hi. Ahi zongin khuaneue-ah annek tui dawn hamsa hi. Khat veivei ciang in tembaw in mangbuh va puak thei zel a, a tun hak ciangin nek ding omlo hi mai hi.

Ngei-na pau le ham kibatloh na hangin khuano-a teeng mite in khualian panin hongpai mite lang do uh hi. Khat le khat kimuanna neih ding hamsa mahmah hi.

Alvaro le Natalia te' nupa in Topa kepna muang uh a, Ama makaihna bek tawh kalsuan uh hi. Pasion in amau ading lamdang takin lampi a honsak hi.

Alvaro in khualzinna tawh kisai mun khatah nasem a, a nasep na-ah Adventist Pawlpi upna thu

te pulaak kawikawi hi. Natalia in ahihleh kumpi zato-ah nasep khat ngah hi. A nupa un motorcycle khat lei uh a, hih tawh inn khat khit khatah pai-in Lai Siangtho thu sinpihna a nei uh hi. Tua Tuikulha om Adventist pawlpi-ah zong makaih uh hi. Hih pawlpi-ah pawlpi mi 10 bek om uh hi. Amau tun zawh kum khat khit ciangin mopawi le sihvui-na nei uh hi.

Pawlpi sungah zong nasem ahimah bangun kim le paam pan naupangte kaikhawm uh a, Pathfinder le Adventure thusin pihna a nei uh hi. Naupang 25 bang hong pai hi. Kha 2, kha 3 khit ciangin Master Guides ciang dong sin thei ding khangno hong om toto a, hih tuikulh pan a ciahkhiat uh ciangin naupang 95 bang pha uh hi.

Pathfinder thusin na tungtawn in khangno tui kiphum zong hong om thei hi. Alvaro le Natalia in hamsatna kawmkal panin Topa ompihna ngah uh a, a nasepna uh lawhcing mahmah hi. Topa tung ah ka lungdam uh hi. Tu-in hih tuikulh ah Pathfinder asin khang no kizompai suak thei hi.

Tu quarter Sabbath 13na sumpi in Chile gamah kipuak ding hi.

Rapper panin Thuhilhsia-ah



CHILE | December 13

Sebastian

Sebastían in inn le sanginn ah teeng khawmkhawm khang no khat hi. Kamtam lo a, nasep hahkat hi. Sabbath zing sang khat biakinn ah kikhawm dingin hong pai hi. Pawl sungah zong a makaite lakah khatin kihel hi. A sangtuah khit le kikhop khit ciangin Sebastían in lamna innte-ah vapai-in laam kawikawi zel hi.

Amah pen Adventist innkuan sung pan a khangkhia khangno khat hi. A naupan lai-in a nu le pate in Pasion nasem a kipia mah mah nupate hi-in, Chile gam sung a om Adventist pawl sangte-ah laihih kawikawi uh hi.

Sebastían in hong khang sem semin biakinn ah kikhop ding cihte kin nawnlo hi. Pasion thu kigen za mun mahmah khin hi mah taleh a nuntakna khempeuh Topa tungah a kipia zo taktak kei hi. Thungen ngeilo, Lai Siangtho

sim ngeilo, Pasion tawh kizopna a lunggulh ngei kei hi. Pawl pua-ah hip-hop music uk mahmahin kum 14 a phak a kipan leitung gual nop na sungah a tualbual hong suak hi.

Music tuamtuamte a ngaih ciangin “ka lungnuam hi,” ci-in gen hi. Laam kidemna khawngah zong kihel kawikawi thei zel a, kidemnate-ah a khatna, a nihna cih bangin letsong zong a ngah thei zelzel hi.

Music lasak kidemnate khat Sabbath nitak lam khatin kidem na-ah amah zong va kihel hi. Hih lasak le laam kidemna sungah Satan le Satan pahtawi-na vive tampi kihel hi. A lawm a gual tawh kidemna nuamsa semsemin a om hi. Hih bangin hip-hop music le laaam a ukte in kham theih zu tawh zong kipelhlo uh hi. Zu dawn, zu kham uh a, nuamsa mahmah uh hi.

A nu le pa in hih bang dinmun sung a omlam a thei-kha kei uh hi. Hip-hop la bekbek ngai tawntung ahih manin Pasion le Satan kop le kai thuahin a nungta khangno khat suak hi. Kum 4 bang hong

pai khin a, Covid natna hong tung hi. Kuamah kivakkhia-sak lo lock down hun sung teng in Sabasitian zong inn sung bekah a hun hong beibei hi. Online panin la tuam tuam ngai-in tua bangin a om ciangin nuntakna man neihlam a phawk nawn kei hi. Hunte a mawk beisak sung tengin Pasion phawk theihna khat hong ngah hi. A neulai hunte- anu apa in biakna tawh a pantah thute, hong phawk kik thei hi. Cikmahin a ngaihsut ngeiloh Pasion tawh kizop ding hong ngaihsun theita hi.

Sebastian in Zeisu tawh kizop na hong lunggulh semsem hi. Zingsang khat a thungetna-ah “Zeisu aw, hong mu nuam ing, hong hopih nuam ing. Nang tawh ka kikhawl nuam hi, ci-in ki-apna khat hong nei hi. Tua bangin ki-apna a neih khitciangin thokhia hi. Tua ni a kipanin lungnopna khat a ngah thei hi. “Ka lungdam hi, Topa Zeisu aw. Nang tawh kong nungta khawm nuam hi” ci-in ki-apna tawh a nungta khangno khat hong suak thei hi.

Lai Siangtho hong sim ciang in Lai Siangtho in laibu mawk mawk ahih lohna hong mupha semsem hi. Rap lasakte sangin Lai Siangtho simna tungtawnin lungnop khamuanna mu thei zaw tham hi. Amah guakin Topa tawh

kizopna hun tampipi hong zang thei hi. Sebastian in Adventist khangno kipawlna sungah zong kihelin inn khat khit inn khatah pai-in biakna laibu zuak hong kipan hi. A nasepna tungtawn in Topa tawh kizopna nuam hong mu toto thei hi.

Covid natna hun sung teng Sebastian aa dingin Topa tawh kimuh khopna hun hoih hong suak kik bilbel hi. Zeisu a itna thute midangte tungah zong gen kawikawi thei-in, Pasion in pastor dingin hongsam hi, cih ngaihsut na khat hong nei hi.

Tu-in Sebastian in kum 21 cingkhinin pastor sem dingin Chile Adventist University ah Lai Siangtho sangkah in om hi. Bolivia in South American Division makaihna tawh kibawl seminar vakah ngei a Topa tungah zong lungdam ko hi. Topa hong hehpihna hangin ka lungdam mah mah hi. Nidang ka nuntakna le tu-in ka nuntakzia in tampi kilam dang hi. Ka nuntakna sungah kikhelna tampi kamu hi” ci-in tecipanna zong a nei hi.

Tu’quarter Sabbath 13na sum pi in Chile Adventist University ah kipuak ding hi. Sangnaupangte gaih nading boarder lamnadingin kizeek ding hi.

Nasep Ding Khat Mungtup



Nei

CHILE | December 20

Jenny

Jenny in USA panin Chile gamah kituah ding cih peuhmah ngaihsun ngei lo hi. Amah pen Andrews University panin lukhu neelkai a ngah khat hi.

Tua khith ciangin Chile gamah missionary nasemin va pai-in Manglai hilhin a om hi. Kum khat khith ciangin USA ah ciahkik pan dingin geelna a nei hi. Ahi zongin kum 5 sung bang nasemin va om thei hi.

Chile Adventist University ah Lai Siangtho hilhin aom hi. Nungak lai ahih hangin Jenny in Pasion nasepna-ah kihelkha ahih manin lungdam mahmah hi.

A sangkahlai-in a siate in Adventist Volunter Service thu

na hilh uh a, tua tungtawnin missionary dingin a va guan khia ahi hi. Jenny in tua bangin a nasepna-ah lawm le gual tuamtuam tawh kithuakhka ahih manin hampaha kisa mahmah hi.

Chile gamah kum nih sung bang nasemin a om khith ciangin Spanish a pau thei hi. Seventh-day Adventist Church's Central Chile Mission nuai-ah nasemin hong om hi.

Pawlpi mite sazian le lai-atte pantah nasepna-ah kihelin Chile gam adingin Adventist Volunter Service ah zong secretary khatin mapang hi.

Chile a om sungin Chile tangval khat tawh kithei uh a, a sawt ciangin kiteeng thei uh hi. Tua bang hun laitakin Chile Adventist University panin Lai Siangtho hilh dingin sapna ngah hi.

Jenny zong kipak mahmah hi; bang hang hiam cihleh Andrews University a kahlai-in zong Lai Siangtho major khatin a lak ahih manin Lai Siangtho hilh ding pen a lawp mahmah hi. Chile gam mi hihna a ngah khit ciangin Chile gamah Lai Siangtho hilh dingin kiseh hi.

Kum 5 sung a om khit ciangin Jenny in Adventist Volunter Service tawh nasem hi nawn lo-in Chile Adventist University in lai hilh dingin a sam hi.

Tu-in Jenny in Chile Adventist Univerisity ah Lai Siangtho hilhsia 5 lakah khatin a kihel hi. Jenny laihilhna nuai-ah sangnaupang tampite in Pasion thu le Lai Siangtho thu a thei toto uh hi.

Chile Adventist University ah sang naupang 3,000 bang pha uh a, sang naupang a tam zawte in SDA upna neilo innkuan sung pan ahi uh hi.

Jenny in a nunzia a ki-etkik ciangin Pasion makaihna ahih lam mu thei-in a ngaihsut khak ngei het loh thu tawh nungta

ahih manin a lungkim mahmah thei hi. “Chile gamah kum 1 om dingin ka geelsa hi-in, tu-in Chile gamah ka om zawh kum 6 a cing ding hi ta hi,” ci-in a pulaak hi.

Tu quarter Sabbath School 13na sumpi in Chile Adventist University puah phat nadingin kizeek ding hi.

Mai Sabbath in tu quarter bei-Sabbath 13na ahih manin sumpi khat ngei a zah thum khia dingin kiging ciat ni, cih i kizasak hi.



Mun Citeng ah Adventist te



SABBATH 13 NA | December 27

Jonaton

Jonaton in SDA pawlpi paisan zolo hi. Amah pen Ecuador gam mi hi-in aneu tung a kipan Adventist thu-um mi mu ngeilo hi.

Chile gam hongtun ciangin Adventist thu-um mi tampi amuh ciangin lamdangsa mahmah hi. Chile gam ah SDA mi 106,000 bang om hi. Gam bup mimal 88 ciangin SDA thu-um mi khat cihna hi. Jonathan in a paipai-na peuhah Adventist thu-um mi tawh kimu kha tang hi.

Ecuador gam Khristian inn kuan khat pan a khangkhia khang no khat ahah hangin biakinn ah a pai ngei kei hi. A pa in biakna kin in neilo hi. A nu pantahna nuai pan in a khangkhia khat ahah manin biakinn ah kikhawm dingin va pai thei zelzel hi. Thu zong ngen zelzel hi.

Biakna kin lo lah hi lo, kin lua lah hi lo hi, cih khatin a om hi. A pa neute nih in Chile gamah va lal

uh a, amau sapna zui-in Jonathan zong Chile gam hong tung thei ahi hi. Hih bang hun sungin Covid natna hong kizel hi. A ngei-na bangin sang zom thei nawn lo hi. Lock down hun sungin bangmah sem thei lo-in om hi. Chile khang lam mun khatah a pa neute teeng ahah manin tua munah a om hi.

Tawl khat khit ciangin Jonaton in a pa neute omna pan kigamla lo mun khatah Seventh day Adventist sang khat om hi, cih a thei hi. Tua sanga kah sangnaupang nihte tawh kithei uh a, Friday nitak sialin an nek khopna a nei uh hi. Jonathan in Friday ni pen Sabbath dawn ni hi, ciha theihsa bangmahin ama ading in a thupi mahmah ni khat hong suak hi. Hun khat lai-in Seventh-day Adventist Pawlpi thu don lo khat ahah hangin tu-in a upna a kip mahmah ta hi. A pa neu in leitang golpi khat lei ahah manin hih leitang ah sepding tuamtuum sem in aom hi.

Jonathan in a lawmte dong a, ‘Nang bang upna nei na hiam?ci-

in adong theizel hi. A lawmte zong SDA thu-um mi ahih lam a kithei uh hi. Nisimin a lawmte in Jonathan tungah Pasion thu pulaak na, genna a nei den hi. Jonathan in Pasion thu lunggulhna bangmah anei thei nai kei mai hi. A lawmte in Joshua 1:9 a sim ciangin Jonathan in Pasion kamciamte up theihna hong nei hi. Joshua 1:9 lotngah theipah a, a vengte tungah a pulaak kik thei hi.

Tua ma-in Jonathan in Lai Siangtho mun a deih phat diak khat om hi mah taleh a phawk thein awn kei hi. A pa no in a hilh khat hi-in Chile Adventist University kah dingin a kithawi lai-in apa no in apiak khat ahi hi. Apa no in Jonathan tungah Seventh-day Adventist university,” khatah sang kah ding ci-in a pulaak ciangin Jonathan zong lungdam mahmah hi.

Ahi zongin a lungsim tawngah “Bang hangin Seventh-day Adventist university?” hi sese ding hiam? ci-in a ngaihsun hi. A pano -in “hih khua mite in gam dang pan hong pai mite sangin mi hehpihna nei zaw uh hi. Mihoih hizaw uh hi” ci-in a pulaak hi. Hih “university a mite zong mi dik vive hi. Khristian mi hoih hi,” ci-in a pulaak hi.

Covid natna hangin deih bang in kizin khia theilo, biakpiak nate

zong a ngei bangin kibawl theilo hi. Ahi zongin online tawh laisin theihna khat hong om bilbel ahih manin Jonathan in online tawh sangkah hi. University a kah ciang in nidang a nunzia tawh hong kibang nawnlo hi. Na khempeuh kilamdang hi. A diakdiakin laisin kipat ding sialin siate in thungetna nei lo-in lai hilh ngeilo uh hi. Biakpiak hun bawl nate zong nei uh a, sangkahna-ah zong Pasion thu mah tawh a kima kaih uh hi. Jonathan in Adventist thu upna a kin loh hangin tu-in damdamin hong thei zaw deuhta ahih manin SDA pawlpi thu upna sungah lut dingin a ngaihsun hi.

A kumkik ciangin Covid natna kiam zaw deuh ahih manin nidang bang lo-in na khempeuh kitem thei, kibawl thei zaw deuh hong suak hi. Jonathon zong Campus sungah om dingin hong kithawi hi. Tua bangin university sangkahin hong om ciangin nidang a a nunzia ngei tawh hong kilamdang mahmah hi. Jonathan in bawllung kimawl a uk mahmah khat hi; bek tham lo-in Friday nitak sialin vanlei-in a vak khia zelzel den khat hi. Ahi zongin tua bangin ama ut thu bangin university huang sungah ki-om thei nawn lo hi.

SDA upna sunga om a lamw a gual thakte tawh kikhawlin Lai

Siangtho thu thukte a kikum thei zel uh hi. A diakdiakin Sabbath thuman a kikum thei zel uh hi. Pasion in na khempeuh ni guk sungin a piangsak hi; ani 7ni in Sabbath hi-in, Pasion in nasepna bangmah anei kei hi. Amah mah zong a tawlna hi. Tua bangmahin a mite in zong nasepna pan tawlna dingin thu hong pia hi. Pian. 2:1–3. Pasion in a mite in piangsak Sabbath a mangngilh loh nadingin thukham sungah hong koihi hi (Pai.20:8–10). Jonathan in Adventist thum mite in Sabbath a tanna hang a thu, Lai Siangtho siksan ahislam hong tel semsem ciangin hih pawlpi in Pasion pawlpi hi ding hi, cih ngaihsutna khat hong nei hi. A pano kiangah zong hih thute a pulaak hi. Tua ciangin nungak khat tawh hong kimu hi.

Jonathan in tua nungak nu in missionary sem nuam khat ahislam zong a thei hi. Adventist nungak khat ahislam bangmahin Lai Siangtho thuman a hihna tung tawnin Pasion thuman a hong mu to semsem hi. Tua hi-in amah mah in Lai Siangtho sinna nei dingin a khensat hi. Jonathan in tua bangin Lai Siangtho thu thuk sinna hong nei thei a, amasa lamin tua nungak nu a hopih nop manin Lai Siangtho thu sinna a nei hi bek a, tu-in a hihleh Pasion thuman theihnopna taktak nei-in Lai Siangtho thuman hong

kankhia toto hi. Mihingte kizop na sangin Pasion tawh kizop na in tawntung ading kimang thu ahislam a theitel semsem hi.

Sabbath ni khat akikhopna-ah thugenpa in Pasion nasem nuam, Amah a zui nuam na om uh hiam, ci-in sangnaupangte tungah to-na a nei hi. Tua bang to-na a zak ciangin Jonathan in hun khat lai-a a pa no tawh a kituah lai-in a zak thute a phawkkik thei hi. Joshua 1:9 sunga kamciamte zong a phawkkik hi. Pasion in Amasem dingin sam ahislam Jonatan in a thei hi. A nuntakna khempeuh Topa adingin kipia dingin khensat na a nei hi. Tu-in kum 19 cingta hi. Na lungsim khempeuh tawh Topa na a sem hi. A deih mahmah Lai Siangtho mun Joshua 1:9 phawkin nungta khuasa-in a om hi.

Tu quarter Sabbath School 13na sump in Chile Adventist University puah nadingin kipuak ding hi. Sangnaupangte giahna a gol zaw khatin kilam ding hi. Sangnaupang 3000 val bangin laisnin om uh hi. Hih sang panin kumsimin amau le amau kipiakna tawh Pasion nasem mi 500 bang om uh hi.

Nung Sabbath a zaksakna om bangin sumpi khat ngei a zah thum khia ciat ding hi hang. Na piakna tungtawnin Topan hong thukkik ding hi.